

տեղն պիտի բարձրանայ, այս տեղ « Զարչարում » կասուի:

Մօլլա-Միւլէյմանցի մի Սուքիասանց կողմից 4 1/2 ժամէն՝ իսկ ուրիշ մի 2 1/2 ժամէն բարձրացեր է մեծ Սուկաւէտի գլուխն հիւսիսային կողմից: Աւելի դիւրին է փոքր Սուկաւէտի դադաթի շարչարման ճանապարհով բարձրանալ: Գազաթը երկու արտաւոր տափարակ մի կայ, նաև ձգնաւորի հիւղեալներ կան, ուր կաւեայ ճրագներ տեսնուած են և վայրի ոչխարաց եղջիւրներ: Հարաւային երեսն բոլորովին անբոյս է, այս կողմ կը տեսնուին երեք ձորակներ, որք լերան կիսունս վերայ իրար կը խառնուին:

Այս լերան ստորոտներն առատ աղբիւրք կը վերետան, ամէն կողմ գեղեցկագոյն մարգագետիններ կերևին:

Հիւսիսային ստորոտներն այրեր կան, ուր երբեմն բնակութիւն հաստատուած է: Այս այրերու մօտ կասեն խաչ քար մի կանգնած է, վերան ունի արձանազրութիւն, որ կարծեմ բևեռագիր լինելու է:

Յայս վայր ընթերցողք, տեսանք վեր ի վերոյ նկարագրութիւն Ս. Սուքիասանց վրայ, մի քանի հատուած ևս Չամչեանից առնելով կը ներկայացնեմ:

« Ընդ այն աւուրս . . . Թագէի աշակերտք նորա ոսկեանք ճգնաւորք . . . եկին յԵրտաշատ քաղաք և քարոզեցին զհաւատս Քրիստոսի, զորոց զբանսն ընկալեալ ոմանք յազգականաց Թագուհոյն՝ որք եկեալ էին ընդ նմա յԱլանաց աշխարհէ . . . »:

Սուքիասանք Ոսկեանց հետ Ալատաղ եկան, ապա անցան Սուկաւէտ:

« Բառահշայ ոմն եկեալ յԱլանաց գրանէ, և խնդիր »